



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, [ca. 1708]

XVI. Maji.

[urn:nbn:de:hbz:466:1-50961](https://nbn-resolving.org/urn:nbn:de:hbz:466:1-50961)

B. Simon Stock, teneræ suæ in Deiparam devotionis præmium, scapulare accepit, quæ simul singulare erga suos clientes præsidium ostendit, quo eos se protecturam spondit, ut à pœnis purgatorii citiùs liberentur. *Nad.* Cura semper est *Matri* de filiis.

B. Simon doce me veram in Virginem confidentiam, ut in ea totam post Deum spem habeam repositam. Intercede pro me, ut sub suæ protectionis pallio benignè me recipiat, & post felicem ex hac vita transitum in purgatorii flammis, si eò me venire contigerit, benigna Mater consoletur. O Sanctissima DEI, & mea, Mater pretiosissima! ego N. indignissimus filius tuus ex toto corde, omnibùsque tam corporis, quàm animæ viribus centies, millies, imò infinities te saluto: te omni possibili omnium possibilium & actualium creaturarum affectu amare, tibi usque ad ultimum vitæ spiritum, quantum possibile erit, placere & servire desidero, Hoc unum pretiosissimum &c. *fol. 2.*

Ad quod impetrandum: alicui Virginis Congregationi nomen dabo, aut si jam dedi, formulam votivam renovabo.

Cœlum & terra jam pridem ruiſſent, si non Maria suis precibus sustentâſſet. *Fulgēt. in myhol.*

Quæſtio: An nomen Mariæ vim peculiarem habeat animas juvandi? *v. Canis. l. 1. de B. V. c. 1.*

XVII. MAJ